

Parare Domino Plebem Perfectam

A lokisetse Morena Sechaba se phethehileng (Luka 1,17)

Moeletsi oa Basotho

www.moeletsiobasotho.co.ls

Lekhotla le fasa paramente



3

E kakalatsa

Liphakoe

11



Basotho itlhokomeleng

15



A NTŠE PELO EA LEJOE MAKAOTENG

14

www.moeletsiobasotho.co.ls



+266 28 350 466/
+266 6260 09 WhatsApp
newsroom@moeletsiobasotho.co.ls

KETEKELO EA LILEMO TSE MAKHOLO A MABELI SECHABA SA BASOTHO SE THEILOE

#PARARE DOMINO PLEBEM PERFECTAM

MOELETSI

Ntoa ke ea malula-mmoho

Moloi o ema le mahokela

Nthabeleng Seithheko

Mahokela a lokela ho sireletsoa ka molao kaha ba sebetsana le litaba tsa tlokotsi tsa toantšo ea bosholu, litlolo tsa molao le botlokotsebe kahar'a metse. Tsena li boletsoe ke Mokhethoa oa Lebakeng Letsekang Moloi, puisanong le koranta ka la 18 Phupjane monongoaha.

O re mahokela a loantša tlolo ea molao metseng, ho sebetsana le litloli tsa molao le ho bona hore ho sireletsoa sechaba empa ba na le mathata a lokelang ho lokisoa ka molao. O re qholotso e teng ke tlhokahalo ea lisebelisoa tse ba thusang ho tsoara masholu kapa linokoane, lithunya ho itšireletsa e bang ba loanšoa ke litloli

tsa molao.

O re ha ho molao o ba sireletsang e bang ho ka etsahala ka phoso mahokela a tsoara motho ea ba loantsang ba mo bolaea kapa ho mo lematsa, ha ho qosoa e ba motho ka bo-mong eo 'muso o sa ikhathatseng ho mo fa 'muelli empa a lebeletsoe ho sireletsa sechaba.

O re ha mahokela a sirelelitsoe ka molao ho tla hlaka hore na mosebetsi oa bona ke ofe, kaha leha ba entse lipatlisiso tsohle mapolesa a nka ba ba nkela mosebetsi. A re molao o tla thusa hore ho be le moeli lipakeng tsa sepolesa le 'muso le hore na mosebetsi oa mahokela ke ofe.

Moloi o re taba ena o ile a e beha kapel'a paramente ea fumana ba e tlatsang, empa Letona Ofising ea Tona-Kholo, Mohlomphehi Limpho Tau, a re ba il' o imamelala eona e le 'muso 'me ea koaloa e sa tsohloa. Ka hona o re hoo ho mo

sepolesa, ho batlisisa linyeoe le ho bona hore li fihla makhotleng.

Ho sa le joalo, puisanong le e mong oa mahokela a Ha Makhoathi Seeiso Mohlakela o itse ho tloha ka selemo sa 2020 le lehokela o ithut-ile hore litloli tsa molao li nka monyetla ka bona hobane ba tseba hore ha ho na molao o ba sireletsang, 'moho le sechaba se ba nka hanyane. O re taba ea ho hloka lisebelisoa e beha bophelo ba bona tlokotsing linakong tsa ho hlaseloa ha batho hobane ha ba na libetsa tseo ba itšireletsang ka tsona ho inamolela joaloka lithunya.

O re ba se ba tšaba ho hlahella moo batho ba bolaeang kapa ho thunngoa hobane joale ha ba na seo ba se tšepileng, mosebetsi oa bona ke ho letsetsa ba amehang, bao boholo ba nako ba fihlang liketsahalo tse bolutu li se li nkile moajo. O re ekare 'muso



Qholotso e tjametseng Naha ea Lesotho morao tjena ke litlolo tsa molao haholo lipolaeano tse etsoang ka lithunya. Sepolesa Sa Lesotho se hloka thuso ho sechaba ho ipolesa kaha se ke ke sa fihla hohle, le eona menyenetsi se tla e fuoa ke sechaba. Mahokela ke batho ba etsang mosebetsi oa bohlokoa haholo hobane ba haufi le sechaba; ba lula le sona, empa ho shebahala ba iketsetsa mosebetsi ka thuso ea Morena Molimo feela. Ntlha ea pele ha ho molao o ba sireletsang ho hang, e leng se etsang hore ba tellehe haholo le ho nyenyefatsoa. Ho feta moo ha ba lemaletse mosebetsing ha ho matšeliso ao ba ka a fumanang. Ha ho ka etsahala hore ba etse phoso tšebetsong ea bona, motho ka mong o ikarabella makhotleng. 'Muso ha o ikamahanye ka letho litabeng tse joalo.

Mokhethoa oa Lebakeng o hlalosa a lekile matsapa ohle, kaha a ile a teka taba ena kapel'a paramente eaba Letona Ofising ea Tona-Kholo o bontša ba tla e sheba. Hofihlela ha joale ha ho nko ho tsoa lemina, ka hoo o sa tsielehile feela hore na o etsa joang. Mosebetsi oa mahokela o molemo hobane ba thusa le sepolesa, seo ka nako e 'ngoe se ba eisang. O itse litaba tsena ha li mo tšoare hantle ho hang.

Baahi ba Mafeteng ba tšoenyehile haholo ebile ba utloile ke lipolao tse etsahalang seterekeng sa habo bona, tseo e seng e le bohobe ba letsatsi le letsatsi. Ba na le tumelo le tšepo ea hore lebone lane la ketekelo ea lilemo tse 200 sechaba sa Basotho se thehiloe le tla thusa, ka thapelo eo setereke se tla e etsa ho tšela moea oa lerato le poelano kahar'a sechaba. 'Muso oa Setereke 'moho le baahi ba ntsoeleng ebile ba na le takatso e tiileng ea hore tsohle li tla boela malulong ha feela ho ka rapeloa ka tieo.

Sechaba sa Basotho se tsebahala ka lerato, poelano le boikokobetso ka hona naha le eona e tšoenyehile ke bolutu bona ba Setereke sa Mafeteng. Re rapela ke hona hore Morena Molimo a kenye mollo oa hae oa lerato lipelo tsa bana ba Basotho, ba ke ba hopole moo ba tsoang teng. Ba be le moea oa tšoarello moo e bang ba ile ba fosetsana teng; ntoa ke ea malula-mmoho. Bohle ba bope khotso e le hore ho be le kutloano.

Litsi tsa Tšireletso li bitsitse e 'ngoe khoba ka ho bonahala moahong o mocha oa Komisi e Ikemetseng ea Likhetho (IEC) ka le reng e haufi le ntlo ea bolulo ea Tona-Kholo, ka hona e beha sireletso kotsing. IEC ke komisi e ikemetseng eo e sa lokelang ho amana le mokha ofe kapa ofe oa lipolotiki leha e se e le 'muso. Ketso ena ea litsi e lahlisa Puso ea Sechaba ka Sechaba moelelo, kapa ona molao o thehileng IEC. Lekhotla la Bosebeletsi ba Sechaba (UAT) le khalema ketso ena ea litsi hobane ho shebahala eka qetellong naha e tla busoa ka Sesole, Sepolesa le Mautloela.

Contacts: +266 28350 466 / 6260 0983 (Whats app)
Email: moeletsioabasotho@gmail.com



Editorial

Lesoetsa Rakubutu (Editor)
(+266) 58490670 / 62031949
editor@moeletsioabasotho.co.ls

Lehlohonolo Mohale (Sub-editor)
(+266) 58 771 507 / 62 771 507
subeditor@moeletsioabasotho.co.ls

Advertising

Thabo Lesaoana
(+266) 28 350 466/ sales@moeletsioabasotho.co.ls

Newsroom

Nthabeleng Seithheko 57 665 038/ 68 216 721
nthabeleng.seithheko@moeletsioabasotho.co.ls

Tšelis Thakholi (Sports) 58 540 853/ 63 480 404
tseliso.thakholi@moeletsioabasotho.co.ls

newsroom@moeletsioabasotho.co.ls

Production Desk

'Mateele Liqa, Sr. Canicia Nthunya

siileng lefifing hobane litaba tsena 'muso o tlameha ho ithakisa, ho latela tsela eo bophelo ba mahokela bo leng tlokotsing ka eona.

O re litlolo tsa molao tse hloang mekoalaba ke mosebetsi oa 'muso ho bona hore ha li etsahale, hobane o na le mafapha a shebanang le polokeho ea sechaba joaloka

o ka tšepahala oa sheba taba ena ka leihlo le leng la molao le ho bona hore e ba karolo ea ho theoa ha mosebetsi kahar'a metse hobane ha se batho bohle bao e leng mahokela. O re molao ha o ba sirelelitse ba tla etsa mosebetsi ka bolokohi, ba tsebe ba ka phela e bang ba lemaletse liketsahalang.

Lekhotla le fasa paramente

Nthabeleng Seithleko

Mokhethoa oa mehleng oa Qalabane, Motlalentoa Letsosa o re Lekhotla la Maipiletso le fasisitse paramente ka ho kena-kenana le tšebetso ea eona, kaha ba se ba tla tšaba ho etsa melao. Tsena li hlaheletse puisanong le koranta ka la 18 Phupjane monongoaha.

Litaba tsena li latela hore maparamente a bohanyetsi a hloloe ke nyeoe, Lekhotleng la Maipiletso mabapi le ho koaloa ha kotopo, e neng e thibela Tona-Kholo ho bitsa likhetho pele 'muso o li tulong o qeta lilemo tse hlano. Taba ena e ne e entsoe ke paramente ea 10, ho thibela tšenyoo ea lichelete e bang teng nakong ea likhetho tsa tsome, le ho se balehise batseteli le batšehetsi ba Naha ea Lesotho nakong ea likhetho. Molao oa kotopo o neng o etselit-



soe hore Maparamente a khethe Tona-Kholo kahar'a paramente 'me e bang ba hloka tšepo ho eena ba khethe ea ka tšoarang puso nako ea lilemo tse hlano.

O re o balile kahlolo nyeoeng ena, eo a sa fumaneng hantle hore na khang e ho-

kae, kaha baahloli ba bararo ba lumellana le taba ena, ha ba babeli ba sa lumellane le eona. O re ho molemong oa puso ea sechaba ka sechaba hore ho eloe hloko tsamaiso e nang le ponatsetso, karolelano ea matla le tse ling.

O re tsela eo kahlolo ena e leng ka teng e sisinya metheo le boikemelo ba paramente, 'me ho tla ba thata hore tlhopho-bocha e kengoe tšebetsong hobane kahar'a eona ho na le lite-manane tse ke keng tsa thetsoa. O re maparamente a

tl' o tšaba hore ho etsa melao e mecha kaha ba sa e hlokgeng ba ka ea lekhotleng eaba e hloka matla.

O re litlamorao tsa kahlolo ena, li tlo etsa maparamente a seng a shebane le ho etsa litšisinyo e seng melao. A re hona hore naha ea Lesotho ntlafalo ea eona ea melao e lerotho, kaha le ho kengoa ha tlhopho-bocha ts'ebetso e tloba bothata.

Letsosa o re ha joale maparamente a fasisitsoe matsoho 'me le makhotla a lokelang ho hlophuo bocha ha sa tla thetsoa, ho latela kahlolo eo. O re paramente e se e tlo tlameha ho isa potso sechabeng ho hlomathisa melao, 'me seo se litjeo li boima joaloka likhetho.

H'a phethela o itse kahlolo e tsoile 'me ba lokela ho ikamahanya le lipehelo tsa eona, empa Basotho ba qalelle ho inahana bocha ka Molao oa Motheo oa khale, ba ithute ona bocha kaha kahlolo ena e se e fane thuto e fapakaneng tsamaisong ea molao.

Heritage Ink e kopanya bahoebi

Nthabeleng Seithleko

Ele ho matlafatsa khoebo, boikemelo le ho matlafala ha eona, Heritage Ink e khokhohanya puo le bahoebi ba fapakaneng ho bona hore na ba tsebahatsa lihlahisoa tsa bona sechabeng joang. Tsena li hlaheletse 'mokeng oa bo-ralitaba oa la 18 Phupjane monongoaha.

Mookameli oa Heritage Ink, Pokane Tsietsi, o re ba

qalile leeto la bona Literekeng tsa Berea, Leribe, Mokhotlong le Mafeteng, moo teng ba ratang ho bona bahoebi ba tsebana, ho arolelana mebaraka le khoebisano kahar'a litereke. O re sena ke karolo ea ntlafatso ea moruo oa naha ka hore litereke li ikemele khoebong. A re ba tl' o thakela bahoebi ka malebela le ho babatsa ba ntseng ba itekakhoebong kamor'a ho ameha ha likhoebo ke seoa sa COVID-19.

O re har'a liqholotso tse tjametseng Basotho ke tahlehelo ea mesebetsi kaha lifeme li koetsoe ka

bongata hape lipalo tsa baitšokuli li phahame ka sekahla, le hoja ba phalisoa moo ba lutseng teng.

A kothaletsa Basotho ho tšoarana ka matsoho ho qoba har'a tse ling liketso tsa bohatheli kahar'a khoebo hore ba tsebe ho hola le ho ntlafatsa tlhahiso ea bona.

A re ho na le bacha bao a tl' o sebetsa 'moho le bona kahar'a setereke ba tla fetoha baemeli ba Heritage Ink, 'me mosebetsi oa bona e tla ba ho bokella bahlahisi bohle kahar'a setereke. O itse ba lakatsa ho bona bacha ba ikhira ba itlhalisetsa mesebetsi.

O itse ba tla bula sethala se setle sa tsebahatso ea likhoebo hore bahoebi ba baholo le ba banyenyane ba tl' o ithekisa, ba tsebane e le hore neheletsano ea lesokoana la moruo e tsamae ha bobebe. A re ha bahoebi ba nepa lipallo tsa khoebo hantle ba lokela ho ngolisa 'me ba be le libukana tsa khoebo.

'Maleronti Rasethuntša ho tsoa Lefapheng la Likhoebo Bankeng ea Poso ea Lesotho, o itse ba lebaha hore ebe Heritage Ink e khobonkanya bahoebi kahar'a naha, ka tsela ena ba tla atleha ho tseba lik-

hoebo tse teng, kaha ba tl' o khobokana 'moho ho bua e le bahoebi. A re mosebetsi o moholo oa bona ke ho bulela bahoebi menyetla e teng kahare ho khoebo, 'me taba ea banka le tlhahiso li kopana moo motho a tlamehang ho alima chelete mekhahlelong eohle ea khoebo ho imatlafatsa.

Mookameli Lefapheng la Temo Mafeteng, Tlali Polao o bontšitse a le motlotlo hore ba tl' o etsa ntho e ncha e tla fetola bophelo, khoebo le khoebisano hore e tle e bonahale e phahama, Setereke sa Mafeteng. A re ke boikarabello ba bona ho bona hore motho e mong le e mong o ba le lijo. O itse morero oa 'muso ke ho bona hore batho ba tlohele ho lemela ho ja, empa ho hlahisa. A tšepisa lihoai hore li tlo kothala kaha ba tlo bapatsa lihlahisoa tsa tsona.

A tsoelapele ho re khoebo e ntlafale ho tlameha ho be le khokahano hohle kahare le ka ntle ho naha, e le hore bahoebi ba itsebahatse ho holisa moruo oa Lesotho. O re boikopanyo ba lihoai le ho itsebahatsa sechabeng ho tla thusa hore lihlahisoa tsa tsona li rekisoe mabenkeleng.



RE TŠEHETSA BACHA




ho qala khoebo ea mofuta ona, e sa tloaelehang kahar'a naha. Re tlameha re le bacha re lule ka linako tsohle re le mahlaha-hlaha ka ho hlahisa boqapi ba lintho tse ncha tsa matsatsi a hajoale. Taba ena ea boqapi e maling ho 'na ho ba letsatsi ka leng ke lula ke tla ka mefuta e mecha ea mekotla kapa bareki bona ba mpoella hore na ba batla mefuta efe, ebe ke ea ba etsetsa ke se ke e matlafalitse ka litsebo tsa boiqapelo ba ka.

Kholo ea khoebo

Leha ho bonahala khoebo e ntse e hola empa qholotso e kholo eo ke kopanang le eona ke mokhoa oa ho fumana thepa e etsang mekotla e leng lifaha. Ha ke li fumane habobebe ho ba ke thusoa ke motho e mong ea ntlelang tsona Naheng ea Afrika Boroa. Ka nako e 'ngoe li nka nako e telele li sa fihle, ka mona bareki ba entse likopo tsa mekotla. Ha nka fumana lisebelisoa ka linako tsohle khoebo ena e ka hola haholo hobane batho ba bangata ba batla thepa.


etsi ona oo ke o etsang. BEELAYLA Couture ke batla e hole e tlale kahare ho naha, bacha ba tsebe



ho fumana mesebetsi.

Molaetsa ho bacha

Bacha ba b'eso, ha se hore mesebetsi ha e-eo empa se hlokaalang ke hore le sebelise litalenta tseo le nang le tsona. Ke taba ea lerato le boitjoetso ha u etsa ntho. Bacha haesale nako ea hore ebe le ntse le lutse feela le re mesebetsi ha e-eo, emang ka maoto le itšoarele ka matsoho hobane Morena Molimo o le file litalenta tseo le ka tsebang ho iphelisa ka tsona. Seo re se kopang re le bacha ke hore 'muso oa habo rona le batho bohle ba boithatelo bo botle, ba re thuse hore likhoebo tsa rona li hole re tsebe ho itšematlela.



Tšeliso Thakholi

Ausi Boitumelo Koma ke mothehi oa khoebo e nyenyane e ntseng e hola e bitsoang BEE-LAYLA Couture. Khoebo ena e rekisa mefuta e fapakaneng ea mekotla ea basali, ea mehala ea thekeng, masale, lithae le masale a monoaneng a boleng bo phahameng a entsoeng ka makhethe a hlollang ka lifaha (beaded bags). O qalile ho ba le morero oa ho theha khoebo ena ka khoeli ea Tšitoe ngoahola, 'me a e bula ka Pherekhong monongoaha. O re qoqela ka talenta ena ea hae ea ho iqalla mesebetsi ona o motle oa boipheliso.

Lerato la ho iketsetsa

Ho tloha haesale ke hola ke rata mesebetsi oa matsoho, ke rata ho iketsetsa lintho, 'me ke ne ke lula ke etsa li-popcorn,

li-ice block le li-ice cream ka nako ea Lehlabula. Ke boetse ke rekisa le li-per-

lutu. Ha se mesebetsi oo ke o etseng sekolong ke boqapi ba ka.



fume. Tse ling tsa lintho tsena ke tsona tse ileng tsa nthusa hore ka chelete e nyane eo ke neng ke e fumana, ke tle ke qetelle ke thehile khoebo ena eo ke nang le eona kajeno. Monate oa mofuta ona oa khoebo ke hore oa hlabolla le ho tlosa bo-

Thahasello ea ho qala khoebo

Ke batla hore litsebo tsena tseo ke nang le tsona li se ke tsa fella feela, empa ke li ntšetse pele ka morero oa ho thusa bacha ba bang. Ke ka lebaka lena ke ileng ka bona ho le molemo

Toro

Nka lakatsa ho bona khoebo ena ea ka e holile ho feta mona, ke se ke fepela mabenkele a maholo ka thepa ena e ntle. Ke rata le ho tla ruta bana bohle ba Basotho ho itl-hahisetsa mesebetsi le hore ba tsebe ka meseb-

Energy matching the outcome



Teboho Matjeka

Often times we use our energy to show those we think have wronged us that we are hurting. We want to prove our anger, however, it is in our anger that a few important aspects of life skip our minds, firstly, we can only be hurt by those who are central to our being, people who hold dearly, do we really need to prove anything to them, what benefit do we stand to get after proving a point? Do we ever think about the end results? Why should we use our energy to destroy what we want to enjoy? Having a relationship is something that should be for our good, that is productive, will fighting just to prove a

point result in positivity?

Another issue, we feel the pain of what we think is people's actions simply because we are already unhappy with certain things on our lives so anything that gives us a chance to show how angry we are we certainly use it. We are a very angry nation and we rub each other with negativity all the time, but we never consider the end result of our actions. We act on an impulse, we don't use the opportunity to see the end before the beginning, are we using the energy that is going to match our expected outcome? Do we realise that most of the unpleasant experiences we have are self-inflicted?

We use our energy against our wishes. Let us learn to use our time and energy to get the results we want so as to use the appropriate energy. At times, we have a feeling that our loved ones have done or failed to do something hurting to us, we use all we have to show them what we feel; the question is, do we expect to still have a healthy relationship thereafter? If so why use our energy to kill what we expect life out of? Why delay moments of happiness and forgiveness to prove a point? It only makes sense if we could use our energy and time to get exactly what we want; the energy should match the expected outcome.



Media Release

For Immediate release 19 June 2024

CHIEF EXECUTIVE OFFICER EXITS HIS ROLE

The Road Fund stakeholders and public at large are hereby informed that the Road Fund long serving Chief Executive Officer of 11 years, Mr. Nkekeletse Makara will be exiting his role as the Chief Executive Officer on June 30, 2024.

Mr. Makara joined the Road Fund Secretariat in April 2013, and during his tenure, has made significant contributions to the growth and success of the organisation, to where he leaves it today.

Owing to his remarkable leadership, the Road Fund CEO exits his role in the middle of his tenure as the Chairperson of the African Road Maintenance Funds Association (ARMFA) Southern Africa Focal Group known as ASAFG. He has been leading ASAFG for one and half years.

The Road Fund Board, Management and Staff remain grateful to have had the CEO of Mr. Makara's calibre; his intelligence, integrity and determination will forever be cherished. **All the best in your future endeavours Chief!**

Lesotho le ikatetse

Nthabeleng Seitlheko

Lekala la Bophe-
lo ka tšehetso ea
Mokhatlo oa Lefatše
oa Bophelo(WHO)
'moho le Setsi sa Thibelo le
Taolo ea Mafu a Seoa Afri-
ka, li khakotse tšebetso ea
sehlopha sa baithaopi ho
hlaha mafapheng a fapa-
kaneng le ho ba fa mangolo
kamor'a ho phethela koetli-
so e neng e reretsoe ho ba
otla ka mekhoha ea boithaopi
nakong ea mafu a seoa le
likoluo. Litaba tsena li bile
ka la 16 Phupjane monon-
goaha.

Mookameli Setsing
sa Likoluo(DMA) John
Reatile Elias, o supile ho
le bohlokoa hore naha e
'ngoe le e 'ngoe e be le se-
hlopha se lulang se ithoph-
etse maemo a likoluo e le
hore batho ba thusoe kapa
naha etsoe kapele maemo
a likoluo, ka hona takatso
ea hae ke hore DMA e be
le batho ba koetlisitsoeng
naha ka bophara hore ba
tsebe ba atamela maemo a
likoluo joang le ho li arabe-
la ka nako metseng.

O re koluo ke ntho e ka
hlahang neng kapa neng
joalokaha linaha li ile tsa
ba le koluo oa COVID-19
eo ba neng ba sa itukiset-
sa eona, empa ha ba itho-
phile maemo a joalo ba ka
tseba ho a tlela ka meralo le
ho a hlola ka nako e nepa-
hetseng.

Moemeli oa WHO Mary
Stephen, o supile hore se-
hlopha sena se lokela ho
sebetsa 'moho ho hlola
liqholotso tsohle tse to-
baneng le lefatše litabeng
tsa likoluo. A re naha ka
'ngoe e lule e ithophile mol-
emong oa ho hlola mathata
a ka tlišoang ke khatello na-
kong ea likoluo le ho hlola
mathata pele a etsahala.

Mongoli e Moholo
Lekaleng la Bophelo 'Ma-
neo Ntene, o hlalositse hore
morero ona o reretsoe ho
ntlafatsa litaba tsa bophelo
naha ka bophara le ho fihlela
liphele tsa ntlafatso ea mo-
shoelella ho ho bona hore
sechaba sohle sa Basotho
se bolokehile. O re boitl-
hopho bona ke sesupo sa
leeto le lecha le ntlafetseng
phanong ea litšebeliso tsa
bophelo e le ho matlafatsa
bophelo ba sechaba.

Molula-Setulo oa Komi-
ti ea Boiketlo ba Sechaba
Paramenteng, Makhalanya-
ne Mokhothu, o supile hore
o tli' o lula a tšehelitse ho
kenngo ha morero ona



tšebetsong kaha ho tli'o
thusa naha ho hlola mafu
a seoa le likoluo. A re ka
lebaka la ho se ithophela
maemo ana, naha e lula e le

bothateng nakong eo e ko-
panang le mathata le khat-
ello e be teng tšebetsong.
O ipiletsa ho bohle ho
tšehetsa 'muso kaha e le

lilemo esale ba sebetsa ka
thata ho bona hore taba
ena e ba teng e tšoaroa
ka makhethe. A re Naha
ea Lesotho e tlameha ho

hlompheha le ho fana ka
litšebeliso tsa bophelo
tse tsoileng matsoho sech-
abeng, le ho sebetsa litaba
tsa likoluo ka nako.

Kholumo-lumo ea morao-rao

Mekhoa ea ho fetisa mela-
etsa khale e ne e nka nako
e telele haholo papisong le
matsatsing ana. Khokahano
lipakeng tsa batho ka bo-
mong, metse, linaha le licha-
ba tsohle e ne e se bonolo,
ho ne ho nkoa methati e
mengata hore taba e tsejoe
ke batho bohle. Ho ne ho
ngoloa mangolo, ho qhane-
hoe lipitsi, empa ha nako e
ntse e fetoha eaba le mok-
hoeng oa ho tsamaisa mela-
etsa ha ntlafala, mehala le
marang-rang tsa fihla.

Leha ho le bobebe haka-
alo ho akofisa tšebetso le
mabaka a mang ka ma-
rang-rang feela ka lehlakoreng
le leng teng re tšoere
mathata; bana. Ha batsoali
ba rekela bana mehala, ho
mpa hore ba be ba batla
ho hokahana le bana ba
bona habobebe nakong
eo ba seng 'moho, empa u
bona eona mehala eo e re-
retsoeng ho etsa mosebetsi
o motle e fetoha lemena
le metsang bana le bacha
letsatsi le letsatsi. Hona
ho bolela hore leha ho le
bohlokoa hakaalo ho fa
ngoana mohala empa ho ka
ba kotsi maemong a mang.

Bana ba theha setsoalle
le batho bao ba sa ba tse-
beng, bao hamorao ba ba



ts'episang linthoana-ntho-
oana tsa ho ratoa ke bana
kapa chelete. Ha bacheng
teng khoheli e kholo e le
lerato. Ha ho so lumellane
hee, eba ho tla hlopshoa tsa
ho kopana. Ke moo taba-
ali li etsahalang teng moo
lilaetsong, bang ba fetoha
mahlatsipa a peto, bang ba
tla le mafu a likobo, bang
ba tla le bokhachane bo sa
reroang, ha ba bang ke be-
laela hore ba nyamella hona
moo.

Taba ena ea ho oela lera-
beng ha e ame bana le ba-
cha feela le batho ba baholo
ba hoheloa, 'me bona han-
gata ba hoheloa ka lerato
kapa mosebetsi, leqeme la
mosebetsi le lihela basali ba
bangata lerabeng lena. Ba
tsoa kahar'a malapa a bona
ba hopola hore ba thotse
mosebetsi athe ha ho joalo.
Bang ba iphumane ba etsoe
ka liphallana ke bao ba neng
ba lumela hore ba tlii' o ba
ntša mathateng ana a le-

qeme la mosebetsi.
Taba ena ke pharela, 'me
ke hona re tli' o sokola ka lit-
lolo tsa molao tse susumet-
soang ke marang-rang, 'me
ke ntse ke na le pelaelo ea
hore tse ngata ha li tlae-
hoe hobane mahlatsipa a
its'oea phoso ka ho kena
likamanong tsa mofuta ofe
kapa ofe le batho ba sa tse-
joeng. Ebe ke boikarabelo
ba mang ho bona hore
kholumo-lumo ee ha e qete
sechaba? Lithupelo mabapi
le tšebeliso e ntle ea ma-
rang-rang li lokela ho etsoa
ke mang? Setla-bocha see
se tlameha ho eloa-hloko
joalo ka litla-bocha tse ling
tsohle ha feela li re qosa
tahlehelo ea bophelo ba ba-
tho.

Basotho re tlameha ho
nka likhato tsa ho itširelet-
sa khahlanong le linonori
tse ipatileng kamor'a ma-
rang-rang ka ho se ee kae
kapa kae ho sa tsejoe ke
batsoali, bahlokomeli kapa
litho tse ling tsa malapa ha
re ea lilaetsong le batho bao
re sa ba tsebeng. Batsoali
hlokomelising bana khafet-
sa ka boemo bona.

Polokeho e molemong oa sechaba



Nthabeleng Seitlheko

Lekala la Tikoloho le Meru ka tšebeliso 'moho le sechaba le fihletse katleho ea tsosoloso ea mobu sebakeng sa Ha Khoeli, Koma-Koma, Lebatoeng la Koro-Koro, ka la 18 Phupjane monongoaha.

Mookameli oa Paballo ea Mobu Lekaleng la Tikoloho le Meru, Monghali Malefetsane Tsoahae, o hlalositse hore sebaka sena e ne e le lehoatata, 'me ba atlehile ho etsa metro e ba thusang ho baballa mongobo le mobu. A re melemo eo sechaba se seng se imona menoana ka eona ke e kang joang ka mefuta e fapakaneng, metsi le mongobo o keneng fatše.

Mohokahanyi oa Seterike sa Maseru, Lekaleng la Tikoloho le Meru, 'Mabatho Nthejane, o supile hore mosebetsi ona o nka nako ea lilemo tse tharo ho ea holimo ebe ke hona ba bonang phetoho.

O re liphoofole li lokela ho ba le libaka tsa tsona tsa pholiso e seng li kenngoe hohle hobane seo se senya hara tse ling lintlafatso. O re ke boikarabello ba sechaba ho bona hore balisana

ba sebeletsa ho boloka tikoloho le ho qoba ho chesa joang hara tse ling.

Mookameli Lefapheng la Paballo ea Meru, Nkuebe Lerotholi o itse ba etsa moralo oa pholiso ho latela lenane la liphoofole sebakeng seo, 'me ba fana ka thuto ho balisana le beng ba mehlape ka sebaka se behiloeng le bohlokoa ba sona. A re e bang libaka tse khethetsoeng ho ntlafatsoa li ka bolokeha metseng, ti-

koloho e ka boela ea apara hape. A re balisana ba qobe ho noesa liphoofole lilibeng kaha ba senya mehloli.

O itse hoo bohlokoa hore Basotho ba baballe tikoloho libakeng tseo ba phelang ho tsona, ba thibe kholeho ea mobu le ho taboha ha mangope kahara metse. O re ke boikarabello ba batho bohle ho bona hore tikoloho eo ba phelang ho eona e baballehile.

Lebitsong la sechaba se

bileng tšebetsong ena, Ramapetla Nyai, o itse e sa le ba qala mosebetsi ona khale 'me ba bona phetoho kahar'a sebaka sena, hoo ba ikelelitseng ho sebetsa 'moho ho bona hore le libakeng tse ling moo bohoatata bo neng bo se bo bonahala ba ea bo thibela. O re taba ena e ile ea phephetsa hore qetellong ba hloke moo ba lisetsang teng, kaha ba ne ba se ba nka maeto a malele, ka hona ba ithutile

hore ba lokela ho baballa tikoloho.

O re ba tšoare ka thata kaha ba eba le likopano khafetsa le balisana, ba bitisa ba lokelang ho fana ka thuto ho ba thakela ka malebela kaha e le bona batho ba phelang tikolohong hangata. A tšepisa hore ba tla etsa bonnete ba hore batho bohle ba nka boikarabello ba ho boloka tikoloho kaha e le molemong oa bona le meloko e tlang.



Phaila o leba UK



Tšeliso Thakholi

Moithuti oa Sekolo se Seholo sa Sechaba(NUL), e bile e le semathi sa nako e telele sa mabelo a malelele, Rethabile Phaila o khethiloe ke Mokhatlo oa Global Peace Chain, ho ea etsa lithuto tsa boetapele le tsa ho sebelisa lipapali e le ho tlisa tharollo ea liqabang mafapheng a fapakaneng a bophelo. Khalala ena e tlii'o leba Naheng ea United Kingdom ka khoeli ea Loetse monongoaha.

Ke mocha oa bo-30 ea tlii'o tšehetsoa ke Mokhatlo oa Global Peace Chain ho etsa lithuto tse-na. Puisanong le Koranta Phaila o boletse hore o ikutloa a le motlotlo haholo ho khethoa ho hlahleloa ka malebela. A re ka seo a tla tla a se fupere kamor'a boithuto bona ba hae, o tlii'o kenya letsoho mekhatlong ea lipapali le mafapheng a fapakaneng ho tlisa botsitso le ho rarolla likhohlano tsa mekhatlo ka lipapali.

Global Peace Chain ke Mokhatlo oa Lefatše o shebaneng har'a tse ling ho tlisa khotso le litharollo tsa moshoelella moo likhohlano le mefereferere e leng teng, mafapheng a fapakaneng a bophelo ba letsatsi ka leng.

ELEGANCE COUTURE

FABRIC THAT SPEAKS

ELEGANCE COUTURE; AN ALL TYPE OF CLOTHING BUSINESS SITUATED AT **TRADORETTE BUILDING ROOM B22** IS YOUR ONE WAY STOP FOR ALL ELEGANT AS WELL AS CASUAL, SOWN CLOTHING. WE PRIDE OURSELVES IN DESIGNING AND MAKING HEAD TURNING CLOTHES FOR ALL AGES AND GENDERS. SO DON'T MISS OUT ON THEIR SALE THESE MONTHS FOR GRADUATING STUDENTS AS WELL AS THOSE GOING FOR PROM.





MOB KIDDS EDUTAINMENT

Puzzle MOB 92-4533

TLOTLONTSOE



Across


- 1 Moen'a 'm'e (6)
- 4 Ausi oa Molome, e moholo habo. (6)
- 5 Ea kenyang bashemane lenakeng (5)
- 7 Mosai oa ka (7)
- 9 Ngoana oa moena oa 'm'e oa ka. (8)
- 10 Mosali ea nyetsoeng ke monn'a ausi oa hae. (7)
- 14 Basali ba Mophatong (10)
- 16 Ngoana oa khatseli ea ka. (7)
- 19 Moo ho rutoang bana moetlo le boits'oaro bo botle. (9)
- 21 Ngoaneso ea ngoanana (9)
- 23 Nako ea ho tloha ho Phato hoisa Mphalane ho Basotho (6)
- 24 Ea nyetseng moo ke nyetseng. (4)

Down

- 2 Monna oa morali oa ka. (11)
- 3 Ketso ea ho hloka bana (7)
- 6 Motsoali (5)
- 8 Boleng boo motho a tla patala ntho e itseng ka bona. (8)
- 11 Ngoana ea behihloeng ka thoko ho lenyalo la moloa. Ngoana oa..... (8)
- 12 Ha bo mosali oa ka (7)
- 13 Batho ba pepisang (8)
- 15 Setokisi (7)
- 17 Boemo ba ho ba bohlokong ka lebaka la lefu. (6)
- 18 Batho ba lumeletsoeng ho pepisa (5)
- 20 Motho ea bekang bana thabeng (6)
- 22 Ho tlohella ntho e itseng hoa nakoana. (3)

DID YOU KNOW?


"strengths" is the longest word in the English language with one vowel



According to the Guinness Book of World Records, "strengths" is the longest word in the English language with one vowel. The word contains nine letters, eight of them being consonants.

SOLUTIONS: MoB92-4532

S	T	A	B	S		F	A	K	E	D					
T	W	O	S	O	M	E		I	L	L	I	C	I	T	
A	E	R	A	T	E	S		N	E	P	T	U	N	E	
M	A	O		H	A	S	S	L	E	S		A	N	N	
E	R	N	E		R	A	K	E	S		I	D	E	S	
S	E	T		W		Y	E	T		Y		O	R	E	
	D	O	W	E	L		L	S	E	E	R	S			
		R	E	I	T	E	R	A	T	E					
	E	G	Y	P	T		T		L	I	L	T	S		
J	A	R		Y		R	O	D		S		E	L	F	
U	R	E	A		T	O	N	E	D		W	E	E	L	
I	R	E		E	R	I	S	T	I	C		N	E	O	
C	I	T	A	D	E	L			E	M	A	N	A	T	E
E	N	E	M	I	E	S			R	E	N	E	G	E	S
G	R	I	T	S					S	E	W	E	D		



TSA KEREKE

Seboka sa C9

Staff

Mopapa Francis o bile 'mokeng oa boraro oa selemo sena oa Lekhotla la Bakadinale la Vatican le bitsoang 'C9' Council of Cardinals, o qalileng ka

le ne shebane le ho kenngo tšebetsong ha Molao oa Motheo oa Boapostola e le Praedicate Evangelium Diocean Curias le ho leka ho fumana litharollo libakeng tseo ho nang le likhohlano lefatšeng ka bophara, empa haholo-holo Bochabela bo Hare le Naheng ea Ukraine moo Ntate ea Halalelang le bakadinale ba

e bile ba babeli e leng Sr. Regina da Costa Pedro le Prof. Stella Morra.

Lekhotla lena le ne le nchafatsoe ke Mopapa Francis ka la 7 Tlhakubele monongoaha, 'me har'a Likhosana tsa Kereke le bopiloe ka Khosana Pietro Parolin e le Mongoli e Moholo, Fernando Vergez Alzaga e le President ea Lekhotla, Commis-



'Mantaha oa la 17 Phupjane monongoaha. C9 e ne e thehoe ke Rabalumeli ka selemo sa 2013 ka morero oa ho mo thusa mosebetsing oa hae oa ho fetola Kereke e Katholike le tsamaiso ea eona ka kakaretso.

Kopanong ea pele e bile ka la 24 'Mesa monongoaha, Lekhotla le tlalehoa ne

hlalosang, tšepo e kholo e teng ea hore boiteko bo re-retsoeng ho tliša lipuisano tsa khotso e tla eketseha.

Likopanong tse ling tsa morao-rao, litlaleho li supa hore litho tsa C9 li ile tsa tšohla har'a tse ling karolo ea basali kahare ho Kereke, 'me har'a basali ba ileng ba fana ka maikutlo

sion for Vatican City State and the Governorate of Vatican City State e leng Khosana Fridolin Ambongo Besungu le ba-arekebishopo ba bangata ba linaha tse fapakaneng.

-Vatican News-

2023-2024 SELEMO B

Sontaha sa 12 har'a selemo

Jobo 38,2.8-11

Pesalema 106

Ba-Korinthe 5,14-17

Mareka 4,35-40



Khothatso

Le ntse le se na tumelo?

Kamor'a ho khutsisa sefefe Kriste o ile a khalema barutuo ba hae ka lebaka la tšabo le ho hloka tšepo ho eena (Mareka 4:40). Joalokaha tumelo ea Bakriste e behoa tekong ke Morena kamehla, Evangeli ea kajeno e bontša ka moo ea barutuo e ileng ea lekoa ka teng e le karolo ea borutuo le khalaletso ea bona.

Ha Kriste a qeta ho khutsisa sefefe (Mareka 4:35-41) barutuo ba hae ba ile ba makalla mohlolo ona, le hoja ba ne ba mo tseba ba ne ba hloletsoe ke matla a hae a ho laola lintho. Mohlolo ona o bontša botho le Bo-molimo ba Kriste; nakong eo a khalehileng barutuo ba hae ba bone botho ba hae, 'me nakong eo a khalemang leoatle ba bona Bo-molimo ba hae. Kriste o ile a bontša matla holima mafu ohle, joale e ne e le nako ea hore a bontše holima tlhohleho. Evangeli ea kajeno e le ruta hore le atamele ho Jesu Kriste linakong tsa lifefe tsa bophelo, kaha le tseba hore sekepe se ke ke sa teba ha le kahar'a sona.

Mehleleng ea Jesu Kriste leoatle le ne le nkoa e le moo meea e litšila e lulang hona teng, ka hona ho bontša matla holima lona ke letšoao la ho ba le matla a tsoang Holimo-limo. Buka ea Lipesalema 89:8-9 e fana ka mohlala o motle, 'moho le ea moprofa Isaia 51:9-10. Barutuo ba ile ba amanya liketso tsa Kriste le tsa Morena Molimo hobane ke mang ea kileng a laola leoatle? Ha ho motho!

Bophelong ba rona re feta maemong ao re ipotsang hore na Morena Jesu o khalehile; o utloa lithapelo tsa rona kapa o tsoella katleho ea rona. Hobane'ng? Bofokoli ba rona ba nama bo etsa hore re ile habobebe hoo re nkang qeto ea hore ha arabele sello le thapeli ea rona.

Thutong ea Pele Morena Molimo o ruta Jobo hore lintho tsohle tse teng lefatšeng li bopiloe ke eena ka hona bohle ba ntseng ba mo soma, a se ba mamele hobane Morena o tla phethetsa tseo tsohle. Motho hangata o tseba ho ahlola ba bang a se na lintlha tse feletseng joalokaha a etsa ho Morena. Mokriste o lokela ho beha tšepo le tumelo ea hae ho Morena ea nang le matla ohle.

Thutong ea Bobeli bohle ba biletsoa ho phelela Kriste ea ba shoetseng. Ha ho na lerato le fetang la hore motho a ka shoela e mong, ka hona lerato la Kriste le bonahetse nakong eo a neng a le shoela; ka ho etsa sehlabelo se fetang tsohle. Taba ena e ile ea sisinya Paulosi hoo a ileng a rera ho se iphelele empa ho etsa tsohle tse kholo molemong oa Kriste le sechaba sa hae.

Lerato la Kriste ke'ng na? Ana ke lerato leo rona re mo ratang ka lona kapa ke leo eena a re ratang ka lona? Karabo e hlaha liketsong tsa Paulosi, hobane lerato leo Kriste a mo ratileng ka lona le mo susumetsa ho sebeletsa ho se khaotso a bile a sa ichebe. Lebaka leo re ratang Kriste ka lona ke hobane o re ratile pele, ke lona lerato lena le re khannelang ho sebeletsa Morena Molimo kamehla.

Morena Jesu ha re rate feela tjena ntle ho mabaka, empa o theohetse lefatšeng, a utloisoa bohloko, a tšolla mali a ba a shoa hobane bohle re ne re hloka pholoho. Ho shoa ha hae ho bolela hore re ne re shoela ka lebaka la litšitiso le sebe pele a tla lefatšeng. Mokriste a ka khetha ho iphelela ka ho khotsofatsa litakatso tsohle tsa hae, empa seo ha sea nepahala hobane ka tlhatsuo bohle re entsoe basebeletsi ba Kriste. Re romiloe hape ka tiiso ho phatlalatsa molaetsa oa litaba tse monate le ho sireletsa tumelo ea rona. Moea o Halalelang o re sebela kamehla hore re ne re shoela shoi! Re ba phelang tjena hobane re le ba Kriste ka ho tla.

WINTER GOSPEL Show

23

JUNE

2024

LOCATION
St. Cecilia

ENTRANCE
M20 M10
Adults Kids

TIME
13:00 - 17:00 hrs

BBM

MAPELENG

St. Cecilia

Altar Servers

Bahalaleli har'a Beke

- 24 Phupjane Orentius
- 25 Phupjane Selyf
- 26 Phupjane Salvius
- 27 Phupjane Joseph Hien
- 28 Phupjane Austell
- 29 Phupjane Mary Salome

E kakalatsa Liphakoe

Tšeliso Thakholi

Sehlopha sa Bolo ea maoto sa Manonyane, 'Matlaka' se kene lihlopheng tse kholo tsa Premier League kamor'a ho kakalatsa sa Liphakoe ka nyeoe, makhetho a mabeli a latellanang moo Manonyane e neng e qositse Liphakoe ka ho sebelisa sebakali se neng se bonahala se hlaha lihlopheng tse peli e leng Roma Boys le eona Liphakoe.

Nyeoeng ea pele e bileng khoeling e fetileng kapel'a Lekhotla le Lipapali la Linyeoe, Liphakoe e ne e fumanoe e le molato, 'me Mononyane ea fuoa lintlha kholo le lintlha tse tharo. Ke ha e tla phonyoha selepe eba e nyolohela boemong ba bo-12 lokong ha e ne e le boemong ba bo-15, 'me e tsoanela ho thehela mokhahlelong o ka tlaase oa A Division le Naughty Boys, e neng e se e ntse e le boemong ba ho qetela lokong. Ke ha Liphakoe e bontša e sa khotsofalla kahlolo 'me e nka boipiletso khahlanong le qeto



Raliphatlatso oa sehlopha sa Manonyane, Mpho 'Leshome' Ramokotjo

e fanoeng, e fetela Lekhotleng le Lehlo, moo e ileng ea boela ea hloloa ke nyeoe.

Puisanong le Raliphatlatso oa sehlopha sa Manonyane, Monghali Mpho Ramokotjo 'Leshome' ka moo ba mo

reneketsang ka teng selika-likoeng sa lipapali, o itse ba ikutloa ba thabile haholo ha e le mona ba boetse ba hlotse nyeoe, empa sena e lokela hore e be thuto ho bona hore leihlo ha le fahloe ha beli. A re

ba lokela ho itokisa hape hore kamehla ha ba qala lipapali tsa liki ba roalle le sa sele, e le ho qoba ho hlalhoa ke mathata a kang ana.

A re bothata bo boholo bo ileng ba etsa hore sehlopha

se se bapala hantle haholo lipapaling tsa sona tsa ho qetela, tse qeteletseng li ba beha ka moo thakali e fatelang, ke likotsi tse ngata tsa libapali, "tse ling li ne li nyamela feela re sa tsebe hore na li hokae." A ipiletsa ho Matlaka ohle ho tsoarana ka matsoho ho tsehetsa sehlopha sa bona.

Raliphatlatso oa PLMC, Monghali Bokang Phasumane o ne a ile a bolela pejana hore nyoe ena e ba tsoere matsoho, bakeng sa ho fana ka mehope, lichelete le meputso ho lihlopha tse kholo tsa liki. A re ho latela molao ba lokela ho ema matsatsi a supileng kamor'a kahlolo ena, ho bona hore na ha ho sehlopha se tlang ho boela se hlalhoa nyeoe hape. A tiisa hore kamor'a matsatsi ao ba se ba ka abela lihlopha meputso ea tsona ea selemo sa lipapali sa 2023/2024.

A qetella ka ho bontša hore ho ntse ho boetse ho e-na le linyeoe tse peli, tse saletseng morao khahlanong le sehlopha sa Matlama le Bantu tsa boitsoaro ba batšehetsi ba tsona.

Makoanyane XI boikoetlisong

Tšeliso Thakholi

Sehlopha sa Naha sa ba katlaase ho lilemo tse 20, Makoanyane XI se simolotse boikoetliso ba sona mabaleng a Bambatha, Maseru ho tloha ka la 16 Phupjane monongoaha, tlasa leihlo le nchocho la mokoetlisi e mocha Monghali Halemakale Mahlahaha.

Mokoetlisi ea qalileng ho bokella bahlankana ho ba 'moho lekhetlo la hae la pele, h'a tliša liphetho tse ngata kahar'a sehlopha, kaha a ntse a khethile boholo ba libapali tse ileng tsa bapala lipapali tse peli tsa setsoalle Naheng ea Eswatini ka khoeli ea Tihakubele monongoaha. Mokoetlisi enoa e mocha o tlišo sebetsa le Khalebonye Metso e le mohlatsi oa hae le Shokhoe Matsoai e le mokoetlisi oa lithabathibane.

Phatlatso e ntšitsoeng ke Mokhatlo oa Lesotho o Tsamaisang Papali ea Bolo (LEFA), mokoetlisi e mocha o bo-pile sehlopha sa hae ka tsela e latelang: lithabathibane ke

Leluma Mofoka, Thabelang Thafeng, Reitumetse Moeletsi le Tebelo Lechesa. Moleng kamorao ke Lehlohonolo Leemisa, Kopano Tsiane, Mahlomola Mafeto, Malefetsane Tamako, Mphomane Motolo le Bafokeng Nts'eno.

Moleng o bohareng ba leballa ke Sechaba Mohapi, Tšepo Senamolele, Rorisang Malefane, Reamohetsoe Mefane, Hlompho Phalatsi, Thantozo Ndlovu, Ncholu Phalatse, Tumelo Mokoena le Mokhethi Raputsoe. Moleng oa ho qetela e leng o kapele ke Paseka Maile, Tšepo Kome, Tšepo Matsoso, Tholang Makuru, Kefuoe Nqoko, Tsekiso Pheeli le Poloko Ramarikhoana.

Ho ea ka ba bang ba bakoetlisi ba lihlopha tsa mokhahlelo oa A Division, ba thoholelitse mokoetlisi e mocha ka khetho eo a entseng kaha a sa tliša liphetho tse kholo, sehlopheng sa nako e fetileng. Ba re sena se tlišo holisa, ho matlafatsa le ho tsosa morolo oa sehlopha kaha ba bapetse 'moho,



'me ba se ba bile ba tsebana. Ba re se hlokalang hore mokoetlisi a hle a shebane le sona e sa le joale ke ho eketsa maqheka a litlhaselo tsa ho hlaba lintlha.

Ba boetse ba hlokomelisa mokoetlisi hore ho latela lipapali tseo Likuena e qalileng ho

li bapala tsa ho phunyeletsa ho ea Mohopeng oa Lefatše, ba bone khahello e kholo tabeng ea ho hlaba lintlha. Ka hona Makoanyane XI e lokela ho lokisa lintlha tse 'maloa tseo ba lokelang ho li sebelisa ho hlaba lintlha le ho isa ntoa bathong nakong ea papali. Ba qetella

ka hore ba motlotlo hore ebe Makoanyane XI e boliseng ba mokoetlisi Halemakale Mahlahaha, 'me ka lebaka la litsebo le boiphihlelo ba hae sehlopha seo e tlišo ba sona sa pele sa ho kena litholisanong tsa Mohope oa Lefatše lilemong tse tlang.

Darts e fihla pheletsong

Tseliso Thakholi

Liki ea lipapali tsa darts e arotsoeng ka litikolo-ho tse tharo e leng Boroa, Leboea le Bohareng kahar'a naha, e se e saletsoe ke lipapali tse 'ne sehlopha ka seng pele e fihla pheletsong. Tsena li hlaheletse puisanong le Raliphatlalato oa Mokhatlo oa Lesotho oa Papali ea Darts(LDA), Monghali Lephatšoana Sekhele mabaleng a Motebong oa Sesole, Makoanyane ka la 16 Phupjane 2024.

O bontšitse hore lihlopha tsa Boroa li tharo, tsa Leboea li tharo le tsa Bohareng li robong. A hlalosa hore lipapali tsena ke tse etellang pele tsa ho qetela tsa liki, 'me lihlopha tse ipabotseng mekhahlelong e fapakaneng ea liki li tla bapala li-playoff ebe ha li qeta, li tla ea lipapaling tsa makhaolo-khang moo ba tlang ho khetha mokhethoa oa naha o bopiloeng ka libapali tse robeli. A re mokhethoa ona o tla emela Naha ea Lesotho litlholisanong tsa Zone 6 Region 5 tse tliil'o bapaloa mathoasong a Loetse monongoaha.

A qetella ka ho ipiletsa ho basali, banana le bana ho itahlela ka setotsoana papaling ea darts kaha e le bohlokoa haholo hobane e lokisa kelello

ea motho le ho etsa hore maikutlo a hae a lule a tsitsitse le ho napa. Athe ho bana ba sekolo teng, e ba thusa hore ba sebetse hantle lithutong tsa lipalo. "E ntle haholo ka lipalo le ho batho ba baholo bakeng sa boikoetliso ha motho a ntse a leba koana le koana." Ke Sekhele eo.

Pele ho papali ea MCC le Leseli, e mong oa libapali tse kotsi tsa MCC Monghali Tholang Sello o ne a ile a bolela hore sehlopha sefe kapa sefe ha se ea ntoeng, maikemisetso le boitlhopho ba sona ke ho tla le tlhoho. Ka hona sehlopha sa habo se tliil'o itsamaela bolacha ka Leseli. Taba ena e ile ea fela ea phethahala kaha MCC e ile ea ikutloisa monate ka Leseli ka ho e pola 20-16, LDF ea tlontlolla NULSSA ka 33-3. Tigers e hlahang boemong ba bobeli lokong ea teteka MIA ka 19-17, ha ISKA le eona ka mokhoa o tsoanang e ile ea pola Hunters ka 19-17.

Ho fihlela ha joale Tikolohong e Bohareng sehlopha sa Mali ke sona se ntseng se li hula pele lokong, 'me e li khakhatha bosiu le motšoare. Ka lehlakoreng le ka Leboea, Quthing le eona e ikentse nkoapo ka ho hlorisa lihlopha tse ling. Athe ka Boroa Letamong e-ea lalasa 'me e monyetleng o motle oa ho hapa liki ha lipapali li fihla pheletsong.



LeBA e tšoara litlholisano

a boikoetliso a joang, o bone hore boitokisong ba lihlopha moea o phahame haholo kaha e mong le e mong ho tloha lilemong tse tlaase ho ea holimo o batla ho iphumana a emetse naha ea habo kahare ho mokhethoa oa papali ea litebele.

A re letsatsing la pele bahlankana le baroetsana ba tla nkhisetsana mahafi boimeng

bo fapakaneng letšoare lohle. E be letsatsing le hlahlamang ba hlotseng boimeng ka ho fapakana ha bona ba a tebelana, ho fihlela ho sala sebakali se le seng boimeng ka 'ngoe seo e tlang hoba eena mpoli le 'mampoli, bao ho tlang ho boptjoa mokhethoa oa naha ka bona.

A supa hore ba se ba e-na le memo ho tsoa Naheng ea

Russia ea la 13 ho isa la 27 Loetse monongoaha moo ba il'o bapala litlholisano tse kholo tsa machaba. A re boipotso ba bona e ntse e le hore na ebe lipapali tsa mofuta o joalo li tla bapala ka lebaka la mae-mo a sa jeseng litheohelang a nto e ntseng e kupa lipakeng tsa Ukriane le Russia.

Potsong ea hore na ebe ba etsa joang ho holisa papali ea litebele kahare ho naha? O itse meralo e se e ntse e le teng ea komiti ena e neng e sa tsoa khethoa. A re takatso ea bona ke ho ba le liki e tla thusa ho pharalatsa papali ea litebele likolong tsohle.

A qetella ka hore ba sebetse ka thata ho tliša phetoho kahare ho papali ea litebele, tse kang tsa hore e tle e qetelle e fetohile mosebetsi ho libapali. "Bana ba Basotho ba iphelise ka talenta ea bona ea papali ea litebele." Ke eena eo.



Tseliso Thakholi

Mokhatlo oa Lesotho o Tsamaisang Papali ea Litebele(LeBA), o tla tšoara litlholisano tsa selemo le selemo tsa National Championship tsa boima ba mekhahlelo e fapakaneng ea papali ea litebele, Motebong oa Sesole, Makoanyane ka la 29 ho isa la 30 Phupjane monongoaha, e le ho bopa mokhethoa oa naha oa banna le basali o

tla lula o le malala-a-laotsoe ho emela naha lipapaling tsa machaba.

Ho ea ka phala ea LeBA, Letšasa Taole litlholisano tsena li buletsoe lihlopha tsohle tsa papali ea litebele litikolohong tse kahar'a naha, tse kenyeletsang hara tse ling, Butha-Buthe, Mafeteng, Mohale's Hoek, Qacha's Nek le lihlopha tse ngata tsa Toropo e Kholo ea Maseru. A re ha ba ntse ba potoloha ho etela tse ling tsa lihlopha, ka moreo oa ho bona hore na maemo

The Making of a Champion

"From Homemade Weights to Global Spotlight: The Inspirational Path of Tšepo Desmond Matsoso."



competitions to prestigious events like the Commonwealth Games and Arnold Classic Africa, his journey is a testament to

perseverance, mentorship, and community support. One particular memory stands out. "We were getting ready for a show, training intensely, and an instructor, noticing our hunger, dismissively asked why we weren't going home. That moment fueled our determination, thereof vowed to succeed and make him eat his words."

The Daily Grind

Matsoso's daily routine is a testament to his dedication. His day starts at 4 am with meal preparation and a quick shower before heading to the gym to train clients. His schedule is packed with client sessions, his training, and meticulous meal planning. "Consistency, patience, and hard work are the pillars of success in this sport," he asserts.

Nutrition: The Foundation of Success

Nutrition, Matsoso emphasizes, is crucial. "There's no building muscle without proper nutrition. Whole foods are the foundation; supplements are just the cherry on top. It's about

fixes. "Many want immediate results and turn to performance-enhancing drugs early on, which can be detrimental. It is important to understand that there is no shortcut to success. It's about commitment and surrounding yourself with the right people."

Professional Growth and Community Impact

Matsoso's journey from helping out at Genesis Gym

With aspirations of moving to Europe or the USA to participate in more professional shows, his journey continues. Collaborating with his friend Khauhelo and engaging with international coaches, he remains committed to learning and evolving in the sport. A recent trip to the Middle East exemplifies his dedication to staying updated with the latest advancements in bodybuilding.

A Testament to Perse-

STAFF

In the heart of Qoaling, Ha Seoli, a young boy's dream was sparked by the muscle-bound heroics of Arnold Schwarzenegger in "Commando." Tšepo Desmond Matsoso, now a renowned bodybuilder, began his journey at just 13, fashioning cement weights to train due to a lack of proper equipment. His passion and determination were unwavering, even in the face of significant obstacles.

A Dream Takes Root

The pivotal moment in Matsoso's journey came when he joined Genesis Gym in Lithabaneng. Under the mentorship of Mojalefa Lekoekoe (Jeff), the gym's owner, Matsoso's potential was recognized and nurtured. "Jeff saw something in me that I hadn't yet seen in myself," Matsoso recalls. "He became not just a mentor, but a father figure, guiding me through rigorous training sessions and instilling in me the values of hard work and discipline."

Life at Genesis Gym was transformative. Matsoso balanced school, cleaning the gym and training others while committing to his grueling workouts. Jeff's mentorship and unwavering support laid the foundation for Matsoso's future successes. From local

perseverance, mentorship, and community support.

Overcoming Financial Hurdles

Despite his natural affinity for bodybuilding, the path was anything but easy. Coming from a poor background and being raised by a single parent, the financial strains were immense. "Bodybuilding demands specific nutrition and supplementation, which was often beyond our means," he shares. "But we found ways to make it work. My friends, IFBB



PRO Khauhelo David Rappheng and Liteboho Mahase, and I would bounce to earn money for transport and gym memberships. We even slept in taxi ranks like Welkom just to

discipline and making the right choices, even if it means distancing yourself from friends who don't share your goals."

For beginners, Matsoso advises against seeking quick



to becoming a certified trainer reflects his passion and dedication. "Every person's body is different. I learn about each client's unique needs and tailor their training accordingly. For me, this profession is a calling."

The bodybuilding scene in South Africa has been instrumental in Matsoso's growth. "South Africa offers better resources, more competition, and a larger population interested in the sport. Competing in the S.A. Champs annually has been crucial for our development. Everyone in the South African bodybuilding community knows us."

Chasing New Horizons

Now, Matsoso is chasing his NPC Pro card after returning his IFBB ELITE PRO Card.

Tšepo Desmond Matsoso's story is one of resilience, hard work, and the transformative power of mentorship. From lifting makeshift cement weights to competing on international stages, his journey inspires aspiring bodybuilders to dream big, work hard, and never give up.

In a world where success often seems linked to privilege and access, Matsoso's journey from the modest beginnings of Qoaling Ha Seoli to the glittering stages of international bodybuilding serves as a powerful reminder that determination, the right support, and relentless effort can overcome even the most daunting challenges.

A ntšhe pelo ea lejoe Makaoteng

Nthabeleng Seithleko

Musi oa Setereke sa Mafeteng Bonang Moranye, o re ba ikemiselitse ho mema libini tsa 'mino oa famo tsa setereke, ho ntšha 'mino oo ba o kopanetseng e le ho bopa khotso, ebe libini tsa Makaota e ba ntho e le 'ngoe. O boletse tsena puisanong le koranta ka la 18 Phupjane monongoaha.

A re ba batla libini tsa bona li bine 'mino oa kopano o sa rohakaneng o pakang bongoe le khotso ea Makaota, ka letsatsi la thapelo ea setereke moo seaparo sa letsatsi e tla ba kobo eo ho lumellanoeng ka eona ho kopanya sechaba.

O re ho tla ba le mokete oa Tsosoloso ea Lebone leo Motlotlehi a ileng a bua ka lona le ntseng le potoloha le litereke, le tla etelloapele ke mokete oa thapelo o tla ba ka la 28-20 Phupjane monongoaha kaha Mafeteng e ile ea tuma nako e telele ka



lintoa tsa likobo le lipolaeano tsa malapa. A re lintoa tse etsahalang kahar'a setereke li qalile khale ka hona ba bona ho le bohlokoa hore ba itlhatsoe sesila.

O re Mafeteng e khethiloe hobane nalaneng ea Lesotho lintoa tsa lifaqane li ile tsa etsahala ka bongata, moo Qalabane ho ileng ha e-ba le lintoa tsa lifaqane 'me Tha-

bana-Morena ea e-ba maburu 'moho le Ha Ramohapi. A re ba memme mekhatlo ea likereke, batho ba moetlo le ho khobokanya lihlopha tsohle ho bona hore Mafeteng eba sebaka se nang le seriti, ka hona ba lebele-tse ho bona phetoho kamora thapelo.

O supile hore litaba tsa lipolaeano li theohile ho latela tsela eo li neng li etsahala ka eona nakong e fetileng. A bontšha hore ba sebetsa 'moho le sepelesa, sesole, marena, mahokela le babolotsi ho etsa lipitso le ho kopanya sechaba 'moho le libini tsa 'mino oa famo. A re litaba tsena ha li shejoa li se li nkile mekhahlelo e mengata joaloka lintoa tsa litotomeng le tsa 'mino.

O ipilelitse ho bacha ho nka karolo litabeng tsa sechaba e le hore ba tsebe ho lemosoa hore likarohano kahara sechaba ha li na thuso, ka hoo ba ikopanye ho hlola liqholotso tse ba tobileng.

Moahi oa Ha Lebenkele Nkhono 'Mapitso Rabeleng, o

itse o thabile ka thapelo ena e tl'o tšoaroa Mafeteng ho late-la lipolaeano tse etsahalang hobane e tloba tšusumetso ho bona e le batsoali ba bana ba tlohang litotomeng ho tla bolaeana ka sehlooho.

O re e le bo-nkhono ba rapella hore lipolaeano li emise 'me Mafeteng ebe setereke sa khotso le nala hobane ba lula habohloko ba bolaoa le ho betoa, ba bile ba tsekisoa litsiane tsa bona tsa botsofali. E mong oa bacha Moeketsi Ramorena oa Matholeng, o re ho tšoaroa ha thapelo ena ha se ntho e ncha kaha khale e tšoaroa ka hona ho lokeloa ho batloa hore na batho ba Mafeteng ba ka phelisana ka khotso joang hobane ka nako eo ha ho ka ha e-ba le phe-toho.

Lebone lena le tla fihlela Li-ofising tsa 'Musi oa Setereke, le lebe lebaleng la Leshoboro moo le tla amoheloa ke Marena a Sehlooho a libaka tseo, kamor'a moo e tla ba thapelo eo mesong ea letsatsi le hlahlamang e tla ba tšollo ea mali.

UAT e sireletsa IEC

Nthabeleng Seithleko

Lekhotla la Bosebeletsi ba Sechaba (UAT) le re Litsi tsa Tšireletso li ikhule litabeng tsa moaho oa Komisi e Ikemetseng sa Likhetho (IEC) le 'muso kaha e le setsi se ikemetseng. Tsena li hlaleletse 'mokeng oa bo-ralitaba, oa la 19 Phupjane monongoaha.

Moetapele oa UAT Dr. Mahali Phamotse, o re ka la 14 Phupjane monongoaha, IEC ka mookameli oa eona, Adv. Mphaipele Maqutue ile ea bilet-sa baemeli ba mekha ea lipolotiki moahong o mocha o Maseru West, sepheo le morero e le ho tla fana ka tlaleho ea hore e ntse e sebetsa joang kamor'a hore e reke moaho o tla sebetsa e le Ntlo-Kholo ho latela qeto e ileng ea nkoa ke Mekha le Makhotla a Lipolotiki, ea hore e tsoe moahong oa eo e seng e le mopolotiki oa Sethala sa Moruo (RFP), Mohlomphehi Samuel Ntsokoane Matekane. IEC e hlalosa e phethile thomo eo 'me ea fumana sebaka seo e ka se rekang Maseru West moo e seng e sebeletsa teng. A re ho latela tlaleho ea Mookameli oa Komisi, Khoeli, kamora

ho kena moahong oo ka khoeli ea 'Mesa monongoaha, ho ile ha etsahala se makatsang ha ba fumana mohala ho tsoa ho eo Mookameli oa IEC a supileng ha karolo ea ba baholo

ka pusong eena e tsebisa IEC hore ho nkiloe qeto ea hore Litsi tsa Tšireletso li tla nka o mong oa mokato oa bone ka lebaka la tšireletso kaha IEC e rekile sebaka se pel'a ntlo ea



bolulo ea Tona-Kholo e leng se ka bang kotsi.

Se makatsang ke hore IEC e tlaleha e fetile methati eohle le bohle ba lokelang pusong ha e tla qetella e rekile moaho ona. Ea mantlha ke hore IEC ke komisi e ikemetseng e thehiloeng ka molao oa Lesotho karolo ea 7 oa selemo sa 1997 khaolo ea 66(c) o bontšang komisi e sa lokela ho nka litaelo tsa mang kapa mang ea pusong kaha e le setsi se tsamaisang likhetho, ebile e le sona se ikarabellang le hona ho theha mebuso ka ho phatlalatsa Maparamente a behang Tona-Kholo ho latela melao ea naha ea Lesotho. UAT e re taba ena e mpe e latela liketsahalo tse ling tse bohloko, moo Molaoli oa Sesole ea litulong le ba phomolong kajeno ba Sepolesa le Mautloela ba ile ba phatlalatsa ba laela paramente ho etsa mosebetsi le hore bohle bona ba tla etsa sohle ho thibela ho oa ha puso e litulong. Molaoli oa Sesole eena o ile a ba etsa polelo kahare ho meaho ea sesole a phatlaletsa mabotho hore "folakha eka mo imela" ha lokela ho e fetisetsa ho e mong.

O bontšitse hore ba fumane ka Mookameli oa IEC, hore joale Bookameli ba Litsi tsa Tšireletso bo bitsitse khoba ka ho itšohlometsa moahong oa IEC ka le reng ba il'o sebeletsa teng. O re sena se senya metho ea naha ena ea Puso ea Sechaba ka Sechaba le ho fetisetsa sechaba sena pusong ea khatello ka Sesole, Sepolesa le Mautloela.

O re ba phatlaletsa Basotho hore likhetho life kapa life e ke ke ea e-ba tse nang le ponaletso ha fela Litsi tsa Tšireletso li bonahala li kopanngoa ka lenyalo le hona ho sama mosamo o le mong le IEC, ntle le haeba kopanelo ena ke ona morero oa 'muso oa ho tla senya likhetho hore o tle o hanelle litulong.

O re ba hlokometse hape hore Letona la Toka le Molao, Mohlomphehi Richard Ramoetsi o ntse a iphosisa a khelosa sechaba ka hore moaho ona o rekiloe ke 'muso ka Lekala la Lichelete le Ntšetsopele ea Meralo kaha IEC e na le khakanyo ea eona ea lichelete e ajoang ke paramente hore e ikemele ho latela molao o seng o hlalositsoe. Ho latela tlaleho ea Mookameli oa Likhetho Adv. Maqutu IEC e kene lipuisanong le monga moaho ea ba ea feta methati eohle ea reka moaho o joalo ka pokello ea chelete e khutuileng ha ho tšoeroe Likhetho tsa Puso ea Libaka. UAT e ipiletsa ho bo mphato'a eona ba Mekha le Makhotla a Lipolotiki ho kena khabong ho loantšha taba ena ka matla etsoe IEC e le ea bohle, 'me ba lokela ho e sireletsa ka litsela tsohle le ho bona hore ha e thunthetsoe ke bo-ra-lipolotiki.

Basotho itlhokomeleng



Nthabeleng Seitlheko

Musi oa Setereke sa Maseru Tšepo Lethobane, o re Basotho ba tsebe COVID-19 e ntse e le teng 'me ba e hlalobele, ba boele be eelloe ho qho-

ma ha sefuba sa liphoofole 'monkey pox' tsa naha ea boahelani, Nataala. Tsena o li hlalositse 'mokeng oa bo-ralitaba oa la 19 Phupjane monongoaha.

O hlokomelitsitse Basotho hore matšoao a 'monkey pox' ke makhopho le sefu-

ba. O re ka la 27 Phupjane monongoaha ba tla be ba le Kubake Mohale's Hoek, ho fana ka litšebeliso tsohle tsa bophelo tse fumanehang Seterekeng sa Maseru.

Ho feta mona o supile ha baithuti ba Sekolo sa New

Millennium ba 175, ba ne ba etele Nataala, moo ba ileng ba fumana mehala ea hore ho bonahala ba e-na le matšoao a belaetsang a sefuba. O re ba ile ba hlahloja kaofela ha ba fihla lelibohong la Maseru, 'me ba 43 ba fetisetsoa Sepetlele sa Maseru ka hona ba 22 ba fumanoa ba se na letho ha e mong a fumanoa a e-na le COVID-19.

Baithuti ba 23 ba ntse ba setsoe morao hore ba fumanehe ka ho kopangoa le batsoali ba bona ho latelloe hore ha bana lefu lena le kotsi.

Mooki Malefane Thamae, o hlalositse hore leha ba ile ba fumana lipalo tse 43 tsa baithuti ba belaetsang, ho fihlela ha joale ha ho baithuti ba fumanoeng ba e-na le matšoao a 'monkey pox'. O re lefu lena le fetisetsanoang ha bobebe le phela litšoeneng e leng liphoofole tsa naha.

A re ho tloha ka khoeli ea Pherekhong ngoahola, lefatšeng ho bonahetse ho phahama ha lipalo tsa lefu lena ka lipalo tse kaholimo ho 8,000, 'me ho bile le mafu a 401. O re lefu lena le feta ka katamelano ea thobalano ho batho ba boleng bo le bong.

O re motho a ka ba le makhopho ka ho tsoara moo motho ea nang le lefu lena a tsoareng teng 'me makhopho ana a ka ba teng le ka hanong, ebe matšoao a bonahala kamor'a matsatsi a mabeli. A re batho ba tlokotsing e ka ba batho ba sebelisang litlhare tse koko-betsang sesole sa 'mele, bakuli ba mofetše.

A ipiletsa ho ba nang le makhopho ho se a phunye makhopho kaha ba tla tsoaetsa ba bang 'me ba etele Litsi tsa Bophelo. A khothaletsa bohle ho sebelisa limonkoana le ho hatlela matsoho khafetsa.

A re Lesotho ha le e-s'o be tlokotsing ea lena ha e se Basotho lulang ba ea naheng ea boahelani.

Vodacom e itlamba ho sireletsa baji

Nthabeleng Seitlheko

Kampani ea Mehala le Marang-rang, Vodacom Lesotho e phatlalalitse boitlamo ba eona ho basebelisi le baji ba litšebeliso tsa eona, molemong oa phano ea litšebeliso tsa boleng le polokeho ea sechaba. Tsena li hlaleletse 'mokeng oa bo-ralitaba, ka la 19 Phupjane monongoaha.

Mookameli oa Vodacom Lesotho Mohale Ralebitso, o hlalositse hore sena se etsoa ho matlafatsa phano ea litšebeliso tse lokolohileng, tse nang le ponaletso ho basebelisi ba lihlahisoa tsa Vodacom. A re ho bohlokoa hore 'Muso oa Lesotho le bafani ba bang ba litšebeliso ba bone hore ba fana ka litšebeliso tsa mantlha tsa boleng kaha seo se tla thusa ntlafalong ea moruo le tsotello.

A re ba butse mamati ho tla thakela mafapha ohle, ka mofuta ona oa sehlahisoa se ka thusang kholong le ntlafalong ea litšebeliso tse bonahalang li putlama. O re ba khutlela morao ho sheba hore na ba phahamisana phano ea litšebeliso joang, hore baji ba bona ba lule ba khotsofetse ka linako tsohle.

O bontšitse tsamaiso tsa tšebeliso ea M-Pesa li laoloa ke Banka e Kho-

ba sebetsa ba ipapisitse le melaoana le liphelelo tsa ho sebetsana le lichelete tsa Basotho. O re melao o ba hanela ho kena kahar'a M-Pesa ea motho ho khutlisa chelete.

O re batho ba rekisang Mocha-o-chele ka chelete e ka holimo, ke hobane ba hloka ho etsa liphaello, hobane ba bang ba lata litšebeliso hole haholo. O re ba tliile ka mekhoha e bobebe ea ho o fihlisa libakeng tse hole.

H'a phethela, o supile hore ba rekisa tšebeliso ea sechaba ba sebelisa M-Pesa le 'airtime' 'me moo e bang ba hlolehile ba lakatsa hore ba khutlele sechabeng, ho fumana maikutlo a Basotho ka tšebetso ea bona.

Mookameli oa litšebeliso Vodacom Lesotho, Tšepo Ntaopane o re Basotho ba na le tokelo ea ho fumana litšebeliso tse fumanehang ka nako. O re ba ntse ba bona hore ngoliso ea likarete ea theoha hape ba fokolitse batho ba neng ba e-na le likarete tse ngata, ba li sebelisa hampe 'me seo se ba thusitse ho theola sekhahla sa tšenyeho ea lihlahisoa tsa bona tse sebelisoang hampe.

O re ho bohlokoa hore sechaba se tsebe ka litaba tsa phano ea litšebeliso tsohle tsa bona hore ba utloisise litokelo tsa bona le hore ba tlameha ho itšireletsa joang.

O tsoetsepele hore bafani ba litšebeliso ba sebetse ba ipapisitse le molaoana. O re molao oa polokeho le tšebeliso ea marang-rang e bohlokoa hobane makhetho a fetang bohloko kapa bone ka beke, ho na le batho ba ntseng ba rera ho kena kahar'a sesiu sa M-Pesa kapa tse ling tsa litšebeliso,

Mookameli Lefapheng la lithekiso, o re ba se a e-na le mafapha a fanang ka litšebeliso tse fapakaneng, ho leka ho etsa hore moreki oa bona a be le tokelo ea ho khetha se hlokoang ke eena.

Retlotliloe Moiloe, ho hlahisa ka Lefapheng la Molao o itse baji ba tsebe ho fuma-

O re tsela eo ba itlamang ho tla sebeletsa sechaba ka eona, e le ho sireletsa litokelo tsa sechaba e ipapisitse le melaoana e ntšitsoeng ke LCA moo e hlalolang hore mangolo ohle a tlameha ho ipapisa le molaoana oa bona oa likampani tse sebetsang ka marang-rang, hore ba sireletse litokelo tsa



ba utsoetsa batho ka marang-rang. A re ba leke ho ikatela le batho ba nchafatse mehala ea bona khafetsa ho boloka mehala ea thekeng e bolokehile le hore na e tsoaroa ke mang.

Thato Ralenkoane

na litšebeliso tsa kampani ena, ba na le tokelo ea ho ngolisa likarete tsa bona tsa mehala ea thekeng. A re ba ntse ba leka ho matlafatsa kanetso ea litšebeliso sechabeng hore se fumane litšebeliso tsa boleng.

baji ba bona.

O re ba batla ho sebeletsa sechaba ka mokhoa o khotsofatsang le ho fihlela litlhoko tsa bona ka makhetho, ka hoo ba emetse bareki ba fane maikutlo kapa litletlebo.

Letona le teka litlaleho

Tšelisothakholi

Letona la Tekano, Bacha le Ntšetsopele ea Sechaba, Mohlomphehi Pitso Lesaoana o teketse baphatlalatsi ba litaba likatleho le khatelo-pele e seng e fihletsoe, ea tšebetso ea moerero oa Kholiso ea Likhoebotso tsa Bacha o bitsoang Sebatso, 'mookeng o bileng State Library, Maseru ka la 19 Phupjane monongoaha.

Lesaoana o boletse baphatlalatsi hore ho tloha e sale morero oa bacha oa Sebatso o thehiloe, o se o e-na le likatleho tse khohlo haholo, 'me o bonahala o hola ka potlako e khohlo. "Morero ke ho thusa bacha ho atlehisa likhoebotso tsa bona." Ke Letona leo.

H'a tsoelapele o bontšitse hore ba ile ba isa bacha ba robeli Naheng ea China ho ea nka malebela mekhahlelong e fapaneng ea likhoebotso, 'me ho tliil'o ea ba bang ba babeli mafelong a khoeli ea Phupjane ka morero o tšoanang.



A re ho bile le bacha ba bang ba ileng ba imatlafatsa ka ho khetholoha Lefapheng la Bohahlali, litabeng tsa leruo la likhoebotso tsa lebeso le mekhoe e mengata ea phehlo ea motlakase ka metsi, moea, lithole, mashala le ka matla a letsatsi. A re ho boetse ha e-ba le bacha ba bahlano ba ileng ba kenela litlholisano tsa Bricks Naheng ea Afrika Boroa, moo e mong a ileng a hlaha boemong ba pele ha e

mong a bile boemong ba bobeli litabeng tsa boqapi. A phethela ka ho tiisa hore bana ba Basotho ba na le talenta, 'me a ipiletsa ho likhoebotso ho fana ka tšehetso e le ho holisa le ho matlafatsa likhoebotso tsa bacha. H'a tšetleha puo ea hae lebitsong la batšehetsi ba baholo ba morero oa Sebatso, Mookameeli oa Koporasi ea Naha ea Ntlatfatso (LNDC), Adv. Molise Ramaili o thoholetsi Sebatso ka mosebetsi



oa eona o tsoileng matsoho oa ho holisa likhoebotso tsa bacha. A re koporasi ea habo e fane ka bokhotho-khotho ba chelete e kaalo ka M1Million ka sepheo sa kholiso ea likhoebotso tsa bacha, 'me chelete ena e tla tsamaisoa le ho raloa ke BEDCO.

E mong oa bacha ba hlahisang tlhapi ba tšehelitsong ke Sebatso, Khaolo Ramarumo o lebohile morero haholo, 'me a supa hore e bile e mong oa bacha ba bileng China ho ea nka malebela ka litaba tsa leruo la tlhapi. Ka hona o tliil'o khakola sehlahisoa sena sa hae sa tlhapi ea mofuta oa Rainbow Trout ka la 28 Phupjane monongoaha.

Likampani li etsa letsoho la monna

Tšelisothakholi

Kampani ea Maloti Mountain Brewery (MMB) le Koporasi ea Lesotho ea Kholiso ea Bohahlali (LTDC), li fane ka limpho tsa li T-shirts tse 100 le sweaters tse 50 ho LeFA, e le ho tšehetsa Sehlopha sa Naha Likuena ho tlotlisa ketekelo ea lilemo tse 200 sechaba sa Basotho se thehiloe. Phano ena e bile Liofising tsa Lekala la Lipapali, Maseru ka la 19 Phupjane monongoaha.

H'a nehelana ka limpho tse na ho LeFA, Letona la Bohahlali, Lipapali, Bonono le Bochaba, Mohlomphehi Motlatsi Maqelepo o itse lipapali lefatšeng ka bophara li tšehetsoa ke likampani kaha mosebetsi oa mantlha ke ho batalatsa mabala.

A ipiletsa ho bahoebi le likampani ho kenya kholong le katlehisong ea lipapali. Ka mokhoa o tšoanang, a kopa Basotho ho tšehetsa bahoebi le likampani tse kentseng letsoho lipapaling



ka ho fapakana ha tsona ho reka lihlahisoa tsa bona.

A tiisa hore ke takatso ea hae, ho bona lipapali tsohle li bapalloa kahar'a naha, 'me hajoale ba mothating oa ho bona hore tokiso ea Lebala la Setso-

to, le ileng la emisa ka lebaka la liqholotso tsa lichelete tseo ba ileng ba thulana le tsona e tsoela pele.

A re ho fihlela hajoale tuki-so ea lebala e hloka chelete e kaalo ka M74Millione, ho le

beha maemong a machaba ao FIFA e'a hlokang. A kopa likampani ho etsa tlatsetso ha ba ba ntse ba emetse kopo eo ba e entseng ea ho thusoa ka chelete ke Lekala la Lichelete. "Tebello ke hore pele ho lipa-

pali tsa Mohope oa Lefatše oa 2026 re be re bapalla Lebaleng la Setsoto." Ke eena eo.

Bafani ka bobeli ba bontšitse hore ba motlotlo haholo ka ho kenya letsoho mosebetsing ona o moholo oa ho hohela bahahlali ka lipapali, ho tla Naheng ea Lesotho. Ba re lipapali li ka felisa bofuma le tlhokahalo ea mesebetsi, 'me tsa fetola bophelo ba sechaba ka ho nyolla moruo.

Ba qetella ka supa hore limpho tse na tseo ba faneng ka tsona, morero ke ho khothaletsa bahoebi le likampani tse khohlo ho kenya letsoho tlatsetsong ea sehlopha sa naha, e le hore se bonahale se hola. "Re hohela le bohahlali ka sehlopha sa habo rona." Ba rialo.

Mongoli-Kakaretso oa LeFA, Mokhotsi Mohapi o lebohile limpho tse na tsa bohlokoa. A bontša hore tšehetso e se ke ea eba feela ea liaparo kaha ba hloka le ea lichelete hobane mokhatlo oa habo o imetsoe haholo.